

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
OPĆINA SANSKI MOST
OPĆINSKI NAČELNIK

Broj:04-11-3544/23

Datum: 17.01.2024.godine

Na osnovu člana 64. stav (1) tačka b) najniža cijena, člana 70. st. 1., 3. i 6. Zakona o javnim nabavkama („Sl. glasnik BiH“, broj 39/14), na Preporuku Komisije za javnu nabavku broj: 04-11-3544/23 od 17.01.2024. godine, u postupku javne nabavke **Rekonstrukcija saobraćajnica u naselju 17.Viteške krajiške brigade**, Općinski načelnik donosi:

O D L U K U

o izboru najpovoljnijeg ponuđača

Član 1.

Prihvata se Preporuka Komisije za javne nabavke, broj: 04-11-3544/23 od 17.01.2024. godine i ugovor za javnu nabavku „**Rekonstrukcija saobraćajnica u naselju 17.Viteške krajiške brigade**“ dodijeljuje se ponuđaču „**Divel**“ d.o.o. Sanski Most, ponuda br. 515/23-P od 13.12.2023. godine, za ponuđenu cijenu od 554.500,00 KM bez PDV-a (ukupna cijena sa uračunatim PDV-om iznosi 648.765,00 KM), kao najbolje ocijenjenom ponuđaču.

Član 2.

Prijedlog ugovora o nabavci dostavit će se na potpis izabranom ponuđaču „**DIVEL**“ d.o.o. Sanski Most, po proteku roka od 15 dana, računajući od dana kada su svi ponuđači obaviješteni o izboru najpovoljnijeg ponuđača.

Član 3.

Za izvršenje ove odluke zadužuje se i ovlašćuje Služba za razvoj, poduzetništvo i resurse.

Član 4.

Ova odluka objavit će se na web-stranici www.sanskimost.gov.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Rješenjem o pokretanju postupka javne nabavke broj:04-11-3544/23 od 21.11.2023. godine.

Javna nabavka je provedena putem otvorenog postupka.

Procijenjena vrijednost javne nabavke je 644.840,00 KM bez PDV-a.

Obavijest o nabavci broj: 305-1-3-64-3-100/23 poslana je na objavu dana 23.11.2023.godine , a objavljena je na Portalu javnih nabavki dana 23.11.2023.godine.

Komisija za javnu nabavku, imenovana Rješenjem broj: 04-11-3544/23 od 05.12.2023.godine, dostavila je dana 17.01.2024. godine Zapisnik o ocjeni ponuda, Izvještaj o toku i završetku E-aukcije i Preporuku o izboru najpovoljnijeg ponuđača broj: 04-11-3544/23 od 17.01.2024. godine, u postupku javne nabavke: **Rekonstrukcija saobraćajnica u naselju 17.Viteške krajiške brigade.**

U postupku po izvješću o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- Blagovremeno je zaprimljeno 5 (pet) ponuda.
- Nije bilo neblagovremeno zaprimljenih ponuda.

Komisija za javne nabavke u analizi blagovremeno pristiglih ponuda, te pregledu istih, ustanovila je
-da su 4 (četiri) pristigle ponude prihvatljive,
- da je 1 (jedna) pristigla ponuda odbačena kao nepravilna.

Analiza prihvatljivih ponuda prema kriteriju za izbor ponude;

- Najniža cijena, kako slijedi:

Naziv / ime ponuđača	Ponuđena cijena (bez PDV-a)
1. „PRIJEDORPUTEVI” AD Prijedor	632.576,60 KM
2. „DIVEL” d.o.o. Sanski Most	644.814,00 KM
3. “NISKOGRADNJA-MARJANOVIĆ” d.o.o. Prijedor	644.834,00 KM
4. „I-SELIMOVIĆ” d.o.o. Cazin	644.840,00 KM

Odbačena ponuda kao nepravilna, kako slijedi;

Komisija ja stava da je ponuda ponuđača „**GANIĆ**” d.o.o. Sanski Most u iznosu od 634.120,00 KM **nepravilna** iz razloga što nije u skladu sa tenderskom dokumentacijom. Tačnije tenderskom dokumentacijom tačkom **7.4. Tehnička i profesionalna sposobnost**, u svrhu dokazivanja tehničke i profesionalne sposobnosti (član 51. ZJN) ponuđač je dužan dostaviti;

-Obrazovne i profesionalne kvalifikacije izvođača i osoblja, a posebno osoba koje su odgovorne za izvođenje konkretnih radova koji su vezani za predmet nabavke ;

(**dokaz:** izjava kandidata/ponuđača o obrazovnoj i profesionalnoj kvalifikaciji izvođača i osoblja, sa pratećom dokumentacijom za inženjera građevine sa najmanje tri godine radnog iskustva na poslovima iste, ili slične prirode i inženjera saobraćaja sa najmanje tri godine radnog iskustva na poslovima iste, ili slične prirode -za oba su potrebne diploma o stručnoj spremi, dokaz iz Porezne uprave da je zaposlenik kod ponuđača ili ugovor o djelu i gore već navedeno uvjerenje o radnom iskustvu).

Prema navedenome ponuđač “Ganić” d.o.o. Sanski Most nije dostavio dokaze za diplomiranog

inženjera saobraćaja sa najmanje 3 (tri) godine radnog iskustva na poslovima iste, ili slične prirode. Naime iz priloženih ugovora o saradnji/djelu zaključenih između "Ganić"d.o.o. Sanski Most i Kojić Borislava, dipl. ing. saobraćaja, kao i iz Potvrde od 14.12.2023. godine koju je izdao ponuđač "Ganić"d.o.o. Sanski Most, vidi se da "Ganić"d.o.o. Sanski Most od 01.02.2016. godine angažuje po osnovu Ugovora o saradnji/djelu Kojić Borislava, dipl. ing. Saobraćaja, ali ponuđač "Ganić"d.o.o. Sanski Most uz to nije priložio Uvjerenje o tri godine radnog iskustva za istoga, a kako je traženo u Tenderskoj dokumentaciji. Pored angažovanja dipl. ing. saobraćaja, da li na osnovu zaposlenja ili ugovora o djelu, potrebno je bilo za istog priložiti uvjerenje o tri godine radnog iskustva, a radno iskustvo se stječe i dokazuje na osnovu zasnovanog radnog odnosa i perioda provedenog u zasnovanom radnom odnosu.

U skladu sa Članom 68. stav (4), tačka i) Zakona o javnim nabavkama („Sl. glasnik BiH“, broj 39/14 i 59/22), koji glase Član 68 (Razlozi za odbacivanje zahtjeva za učešće ili ponude), stav (4) Ugovorni organ dužan je da odbaci zahtjev za učešće ili ponudu u slučajevima kad: i) ponuda nije potpuna i ne ispunjava zahtjeve iz tenderske dokumentacije.

U Članu 2. Zakona o javnim nabavkama („Sl. glasnik BiH“, broj 39/14 i 59/22), kojim se definišu pojmovi, u stavu (1) stoji da je ponuda;

l) Ponuda je dokument koji podnosi ponuđač, pri čemu nudi isporuku robe, pružanje usluge ili izvođenje radova, pod uslovima koje određuje ugovorni organ u tenderskoj dokumentaciji. Ponuda može biti: 3) nepravilna - koja nije u skladu sa tenderskom dokumentacijom ili je primljena van roka za dostavljanje ponuda ili postoje dokazi o tajnom sporazumu ili korupciji ili nije rezultat tržišne konkurencije ili je ugovorni organ utvrdio da je cijena ponude izuzetno niska.

Komisija za javnu nabavku je stava da na osnovu iznešenog ponudu ponuđača "Ganić"d.o.o. Sanski Most treba odbaciti kao nepravilnu.

U skladu sa tačkom 9. Tenderske dokumentacije, zakazana je i provedena e-aukcija u sistemu e-nabavke u skladu sa Pravilnikom o uslovima i načinu korištenja e-aukcije ("Službeni glasnik BiH", broj 66/16). E-aukcija je zakazana dana 08.01.2024. godine u 11:47:38 sati sa terminom održavanja 11.01.2024. godine sa vremenom početka u 11:00:00 i predviđenim trajanjem e-aukcije od 10 minuta.

Nakon okončane e-aukcije koja je trajala u vremenskom periodu od 11.01.2024. godine od 11:00:00 do 11.01.2024. godine do 11:50:00 sati, a u skladu sa Izvještajem o toku i završetku E-aukcije, Komisija je konstatovala da je došlo do promjene cijene u odnosu na početne, te je utvrdila konačnu rang listu ponuđača kako slijedi:

Naziv / ime ponuđača	Ponuđena cijena (bez PDV-a)
1. „DIVEL” d.o.o. Sanski Most	554.500,00 KM
2. „PRIJEDORPUTEVI” AD Prijedor	555.555,00 KM
3. „I-SELIMOVIĆ” d.o.o. Cazin	628.400,00 KM
4. “NISKOGRADNJA-MARJANOVIĆ” d.o.o. Prijedor	644.834,00 KM

U postupku donošenja ove odluke, posebno su cijanjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog najniže cijene ponude.

Izabrani ponuđač „**DIVEL**” d.o.o. **Sanski Most** , ponuda br. 515/23-P od 13.12.2023. godine, izabran je primjenjujući kriterij najniže cijene, koja je ponuđena u iznosu od 554.500,00 KM bez PDV-a (ukupna cijena sa uračunatim PDV-om iznosi 648.765,00 KM).

Iz navedenih razloga, primjenom člana 64. stava (1) tačka b), najniža cijena, Zakona o javnim nabavkama, odlučeno je kao u dispozitivu.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi BiH, Filijala Mostar, putem Ugovornog organa, najkasnije u roku od 10 (deset) dana od dana prijema ove odluke.

Dostaviti:

1. “Divel” d.o.o. Sanski Most
Krkojevci bb, 79260 Sanski Most
2. “Prijedorputevi” ad Prijedor
27. Juna 17, 79101 Prijedor
3. „I-SELIMOVIĆ” d.o.o. Cazin
Polje 15, 77220 Cazin
4. “NISKOGRADNJA-MARJANOVIĆ” d.o.o. Prijedor
Zanatska bb, 79101 Prijedor
5. “Ganić” d.o.o. Sanski Most
Muse Ćazima Ćatića 13, 79260 Sanski Most
6. Službi 02
7. u dosije
8. a/a

